

An dr Nordsee bei Bonn

Dr Horschd von Horb där freit sich scho'
Uf Riasadrauba von sei'm Cabernet Sauvignon
Där wachsd uf sei'm Balko'...

Ulla von Ulm freit sich und wi'
Em Ländle dao wird's hoiß so wi' en Rimini
Sie drägd bloß no' Bikini...

U-und dr Turm - dr Fe-ernsehturm - waggld em Schdurm - em Wi-
irblschdurm
- Hurrican - Event
U-und dr Bach - dr Klebberlesbach - wird ibr Nachd - zom
reißenda Bach
Wasserschbord em Trend

Dr Sven von Sylt wohnd en 'ra Tonn'
Als Klima-Asylant genießt 'r jedzd dui südliche Sonn'
An dr Nordsee bei Bonn...

Mir kriagad prima Klima - mir kriagad's bollahoiß
Mir kriagad's soggadrogga - mir produzierad Tonna von Schwoiß
Mir kriagad's fruscdig - froschdig - mir kriagad's weiß en weiß
Mir kriagad'a bälde kälter - mir produzierad Tonna von Eis!